

SUATEA: NUEVA TABLA DE PERMISOS Y LLICENCIES 2010 (BOPA nº 249, 27-X-2009)

La novedá más importante ye que los sábados dexen de ser días hábiles a tolos efectos d'esta tabla

	DURACIÓN/ CARACTERÍSTIQUES/ REQUISITOS	RETRI-BUCIÓN	SOLICITÚ	REGULACIÓN/DOCUMENTACIÓN A PRESENTAR	COMPETENCIA Plazu de resolución <i>silenciu alministrativu</i>
PERMISOS					
3.1 Fallecimientu, accidente o enfermedá grave d'un familiar.	PRIMER GRAU CONSANGUINIDÁ O AFINIDÁ: 3 días hábiles na mesma localidá; 5 si ye n'otra distinta. (1) SEGUNDO GRAU CONSANGUINIDÁ O AFINIDÁ: 2 días hábiles na mesma localidá; 4 si ye n'otra distinta. (1) Los días van ser los hábiles darréu posteriores al fechu causante.	100 %	Cuando se conoza'l fechu causante. Telemáticamente, al traviés de la direcció del centru (2) Otros medios establecíos por llei (3)	Art. 48.1 a) Llei 7/2007, de 12 d'abril, del Estatutu Básicu de la Función Docente y normativa procedimental autonómica. Certificación orixinal ingresu hospitalariu o equivalente /certificación de fallecimientu del rexistru civil o del tanatorio/ certificación del padrón municipal p'acreditar convivencia habitual.	DIRECCIÓN DEL CENTRU Un día <i>Estimatoriu</i>
3.2 Permisu per treslláu de casa	Ensin cambéu de residencia, un día, que va ser aquel en que efectivamente se produza'l treslláu. Con cambéu de llocalidá: dos días	100 %	Telemáticamente (2) Otros medios establecíos por llei Precisa informe de la Direcció del centru.	Art. 48.1 b) Llei 7/2007, de 12 d'abril, del Estatutu Básicu de la Función Docente y normativa procedimental autonómica. Certificación del padrón municipal nel que conste la nueva casa.	DIRECCIÓN DEL CENTRU 10 días <i>Estimatoriu</i>
3.3 Permisu pa funciones sindicales	Nos términos en que se determine	100 %	Antelación mínima de 5 días. Telemáticamente (2) Otros medios establecíos por llei (3)	Art. 48.1 c) Llei 7/2007, de 12 d'abril, del Estatutu Básicu de la Función Docente y normativa procedimental autonómica. Cualesquier documentu que xustifique l'actividá, función o representación.	SERVICIU DE PERSONAL DOCENTE 5 días <i>Estimatoriu</i>
3.4 Concurrencia a exámenes	El tiempu mínimu pero abondu p'asistir. Si necesariamente se celebren fora del llugar de destín, va estendese al tiempu necesariu pal desplazamientu. Les circunstancies particulares van ser sopesaes pol Serviciu competente, pa la so concesión o denegación. Les pruebas o exámenes han de tener llugar en centros oficiales.	100 %	Antelación mínima de 5 días. Telemáticamente (2) Otros medios establecíos por llei (3)	Art. 48.1 d) Llei 7/2007, de 12 d'abril, del Estatutu Básicu de la Función Docente y normativa procedimental autonómica. Certificáu orixinal expedíu pol Tribunal calificador (a posteriori). Precisa informe de la Direcció del centru	DIRECCIÓN DEL CENTRU 5 días <i>Estimatoriu</i>
3.5 Exámenes prenatales y técnicas de preparación al partu	El tiempu necesariu.	100 %	Antelación de 2 días. Si nun ye posible, al conocese'l fechu causante. Telemáticamente (2) Otros medios establecíos por llei (3)	Art. 48.1 y) Llei 7/2007, de 12 d'abril, del Estatutu Básicu de la Función Docente y normativa procedimental autonómica. Xustificante orixinal nel que conste la hora d'asistencia y resulte acreditada la coincidencia de l'ausencia, total o parcial, cola xornada	DIRECCIÓN DEL CENTRU
3.6 Lactancia fíu/a menor de 12 meses	Derechu a ausentase una hora del trabayu, aplicable tamién de primeres o a la fin de la xornada, o bien media hora de primeres y media a la fin. Sustituible por un permisu qu'atope tol tiempu correspondiente (un mes natural siguiu a la baxa maternal) Disfrutable indistintamente por unu o otu de los proxenitores. Va amontase proporcionalmente en casu de partu múltiple. Ye acumulable al d'amenorgamientu de xornada por razones de guarda llegal	100 %	Antelación mínima de 10 días. Telemáticamente (2) Otros medios establecíos por llei (3)	Art. 48.1 f) Llei 7/2007, de 12 d'abril, del Estatutu Básicu de la Función Docente y normativa procedimental autonómica. Fotocopia del llibru de familia	SERVICIU DE PERSONAL DOCENTE 5 días <i>Estimatoriu</i>
3.7 Nacencia de fíu/a prematuru	Derechu a ausentase hasta dos hores per xornada mientres dure la hospitalización.	100 %	Antelación mínima de 3 días. Telemáticamente (2) Otros medios establecíos por llei (3)	Art. 48.1 g) Llei 7/2007, de 12 d'abril, del Estatutu Básicu de la Función Docente y normativa procedimental autonómica. Certificación orixinal del ingresu hospitalariu o otu documentu oficial Fotocopia del llibru de familia	SERVICIU DE PERSONAL DOCENTE
	Derechu adicional a amenorgar la xornada hasta un máximu de dos hores Namá se concede a un del matrimoniu, sacantes dambos opten por compartir el so esfrute, siempre qu'esta opción nun suponga una prórroga del periodu previstu nin medría del tiempu d'ausencia.	Reducción proporcional			
3.8 a) y b) Reducción de xornada por razones de guarda llegal	Amenorgamientu en 1/2 o en 1/3 de la xornada. Ye trimestral y anovable, pero la del tercer trimestre inclúi tol branu (4). Hai dpermisos_y_licencias_imprimible_aste coincidir coles primeres o últimes hores del horariu personal y va afectar a la totalidá de la xornada llaboral docente. Ye acumulable al permisu d'ausencia per cuidu de fíu menor de doce meses. (5) Cuando'l funcionariu tenga'l cuidu directu d'un menor de doce años, una persona mayor que tenga menester d'especial dedicación o una con discapacidá que nun desempeñe actividá retribuida (6) (7). Tamién cuando precise encargase del cuidu directu d'un familiar, hasta'l segundu grau (7) que por edá, accidente o enfermedá nun pueda valise por si mesmu y nun desempeñe actividá retribuida.	Reducción proporcional al de haberes	Antelación mínima de 15 días antes del entamu de cada trimestre escolar. Telemáticamente (2) Otros medios establecíos por llei (3)	Art. 48.1 h) Llei 7/2007, de 12 d'abril, del Estatutu Básicu de la Función Docente y normativa procedimental autonómica. Documentación oficial acreditativa del supuestu del fechu	DIRECCIÓN XENERAL DE PERSONAL DOCENTE 15 días

SUATEA; NUEVA TABLA DE PERMISOS Y LLICENCIES

	Ye incompatible con cualesquier actividá remunerada mientras dure l'horariu del amenorgamientu				<i>Estimatoriu</i>
3.8 c) Reducción de jornada previa a la jubilación forzada o recuperación d'enfermedá	Amenorgamientu de jornada hasta un 50%, que nel casu de recuperación d'enfermedá va tener calter temporal Han de faltar menos de cinco años pa cumplir la edá de jubilación forzada. Siempres que les necesidaes del serviciu lo dexen.	Reducción proporcional de haberes	Antelación mínima de 15 díes. Telemáticamente (2) Otros medios establecíos por llei (3)	Art. 30.4 Llei 30/1984, de 29 d'avientu, de midies pa la Reforma de la Función Pública y normativa procedimental autonómica Documentación oficial acreditativa del supuestu del fechu.	DIRECCIÓN XENERAL DE PERSONAL DOCENTE 15 díes <i>Estimatoriu</i>
3.8 d) Atender el cuidu d'un familiar en primer grau	Amenorgamientu de jornada hasta un 50% y pol plazu máximu d'un mes. Siempres por casos d'enfermedá bien grave Si más d'un titular esfrutara d'esti permisu pol mesmu fechu causante, voi podrá prorratease'l el tiempu de permisu. Siempres que les necesidaes del serviciu lo dexen.	100 %	Antelación mínima de 5 díes. Telemáticamente (2) Otros medios establecíos por llei (3)	Art. 48.1 l) Llei 7/2007, de 12 d'abril, del Estatutu Básicu de la Función Docente y normativa procedimental autonómica. Documentación oficial acreditativa del supuestu del fechu. Certificación del cónyuge de que nun s'esfruta de dichu permisu.	DIRECCIÓN XENERAL DE PERSONAL DOCENTE
3.9 Por deber inexcusable de calter públicu y personal	Entiéndese por tala aquella obligación que'l so incumplimientu xeneraría una responsabilidá d'indole civil, penal o alministrativa. Inclúi deberes relacionaos cola conciliación de la vida llaboral y familiar, deberes de calter cívicu y trámites con organismos oficiales, a nun ser cuando puedan realizase fuera del horariu de trabayu. (8) Ye pel tiempu indispensable, va afectar lo menos posible a les obligaciones docentes y la so concesión tien calter potestativu. Precisa informe de la Dirección del centru	100%	Antelación mínima de 5 díes. Telemáticamente (2) Otros medios establecíos por llei (3)	Art. 48.1) Llei 7/2007, de 12 d'abril, del Estatutu Básicu de la Función Docente y normativa procedimental autonómica. Documentu que xustifique l'asistencia a esi deber inexcusable n'hores de trabayu.	DIRECCIÓN DEL CENTRU 5 díes <i>Estimatoriu</i>
3.10 Permisu por partu	16 selmanes ininterrompíes ampliables en dos más en casu de discapacidá del menor o per cada fíu si l'adopción o acoyimientu son múltiples. Pue esfrutase a tiempu parcial, distribuyir antes y dempués del partu y ampliar en casos escepcionales (9) Obligatoriamente, siquier 6 selmanes del tiempu de permisu tendrán de ser darréu posteriores al partu. Nos casos d'esfrute simultáneu, la suma de los periodos de descansu nun va poder entepasar de les 16 selmanes o la so ampliación, nel so casu.	100 %	Antelación mínima de 5 díes y por escritu. Otros medios establecíos por llei (3)	Art. 49. a) Llei 7/2007, de 12 d'abril, del Estatutu Básicu de la Función Docente y normativa procedimental autonómica. Fotocopia del llibru de familia	SERVICIU DE PERSONAL DOCENTE 5 díes <i>Estimatoriu</i>
3.11 a) y b) Permisu por adopción o acoyimientu, preadoptivu, permanente o simple	16 selmanes ininterrompíes ampliables en dos más en casu de discapacidá del menor o per cada fíu si l'adopción o acoyimientu son múltiples. El so esfrute va poder ser distribuyíu a discreción en dellos casos pol beneficiariu. (10) Si fuera necesariu'l desplazamientu previu de los proxenitores al país d'aniciu del adoptáu, nos casos d'adopción y acoyimientu internacional, va tenese derechu, amás a un permisu d'hasta 2 meses. (11) Compatible cola participación nos cursos de formación que convoque l'alministración. Los supuestos d'adopción o acoyimientu, tanto preadoptivu como permanente o simple, previstos nesti artículu van ser los qu'asina s'establezan nel Códigu Civil o nes Lleis civiles de les CC. AA. que los regulen, teniendo de tener l'acoyimientu simple una duración non inferior a un añu.	100 % En el casu de mueve-mientu previu al país del adoptáu, van percibise namá les retribuciones básiques	Antelación mínima de 5 díes y por escritu. Otros medios establecíos por llei (3)	Art. 49. b) Llei 7/2007, de 12 d'abril, del Estatutu Básicu de la Función Docente y normativa procedimental autonómica Fotocopia del llibru de familia	SERVICIU DE PERSONAL DOCENTE
3.12 Permisu de paternidá, acoyimientu o adopción d'un fíu/a	15 díes, a esfrutar pol padre o l'otru proxenitor a partir de la fecha de la nacencia, de la decisión alministrativa o xudicial d'acoyimientu o de la resolución xudicial pola que se constituya l'adopción. Ye independiente del esfrute compartíu del permisu por partu y del permisu por adopción. El permisu computa como tiempu de serviciu efectivu a tolos efectos. (12) Cuando les vacaciones coincidan, va tenese derechu a esfrutar d'éstes en fecha distinta, anque terminara l'añu natural al que correspuendan.	100 %	Cuando se conoza'l fechu causante Telemáticamente (2) Otros medios establecíos por llei (3)	Art. 49. c) Llei 7/2007, de 12 d'abril, del Estatutu Básicu de la Función Docente y normativa procedimental autonómica. Copia d'inscripción nel llibru de familia (a posteriori)	SERVICIU DE PERSONAL DOCENTE
3.13 Funcionaria víctima de violencia de xéneru sobro la muyer	Xustificación de les faltes d'asistencia nes condiciones que se determinen Amenorgamientu de la jornada llaboral o reordenación del tiempu de trabayu	100 % Reducción proporcional de los haberes	Cuando se conoza'l fechu causante Telemáticamente (2) Otros medios establecíos por llei (3)	Art. 49. d) Llei 7/2007, de 12 d'abril, del Estatutu Básicu de la Función Docente y normativa procedimental autonómica Certificación de los servicius sociales, d'atención o salú, según proceda.	SERVICIU DE PERSONAL DOCENTE

SUATEA; NUEVA TABLA DE PERMISOS Y LLICENCIES

LLICENCIES					
4.1 Llicencia por matrimoniu o inscripción nos Rexistros Oficiales d'Uniones de fechu	15 díes naturales, que pueden ser darréu anteriores o posteriores, en tou o en parte a aquel en que se celebre'l matrimoniu o inscripción, y la so esfrute pue ser siguiú o partíu, distribuyéndose nesti casu en dos periodos, antes y dempués.	100 %	Antelación mínima de 15 díes. <i>Telemáticamente (2)</i> Otros medios establecíos por llei (3)	<i>Artículo 71.1 de la Llei de Funcionarios Civiles del Estáu de 1964, normativa de desenvolvimientu y normativa procedimental autonómica</i> Fotocopia del llibru de familia o certificación d'inscripción nel Rexistru de pareyes de fechu (con posterioridad)	SERVICIU DE PERSONAL DOCENTE 15 díes <i>estimatoriu</i>
4.2 Llicencia pa l'asistencia a cursos de perfeccionamientu profesional	Hasta 40 hores al añu	100 %	Antelación mínima de 1 mes. Telemáticamente (2) Otros medios establecíos por llei Precisa informe de la Dirección del centru.	<i>Capítulo I del Títulu IV de la Llei Orgánica 10/2002, de 23 d'avientu, calidable de la Educación y Acuerdu Administración con Sindicatos; normativa procedimental autonómica</i> Cualesquier documentu que xustifique la so asistencia	SERVICIU DE PERSONAL DOCENTE 1 mes <i>Estimatoriu</i>
4.4 Llicencia por asuntos particulares	Máximu trés meses cada dos años, alministrable pol beneficiariu. El tiempu de llicencia va tener la considerancia de servicios efectivamente emprestaos La so concesión tien calter discrecional y va tar condicionada a que queden cubiertes les necesidaes educatives, que tendrán de ser xustificaes pente medies d'informe de la Dirección del centru	Sin sueldu	Antelación mínima de 1 mes. Telemáticamente (2) Otros medios establecíos por llei Precisa informe de la Dirección del centru.	<i>Artículo 73 de la Llei de Funcionarios Civiles del Estáu de 1964 y normativa procedimental autonómica</i>	DIRECCIÓN XENERAL DE PERSONAL DOCENTE 1 mes <i>estimatoriu</i>
4.5 Vacaciones	Un mes natural o 22 díes hábiles per añu completu de servicius, o'l tiempu proporcional al computáu de servicios efectivos. Adicionalmente, un día hábil más al cumplir 15 años de serviciu, y unu más al cumplir los 20, 25 y 30 años de serviciu, respectivamente, hasta un total de 26 díes hábiles per añu natural (13) Les vacaciones van esfrutase mientres el periodu branizu. (14)	100 %	Pal casu de solicitar l'esfrute de les vacaciones fora del periodu branizu. Por escritu con, una antelación mínima de 2 meses Otros medios establecíos por llei (3)	<i>Artículo 50 de la Llei 7/2007, del Estatutu Básicu del Emplegáu Públicu, Decretu 315/1964 de 7 de febreru (BOE 15-2-64) y normativa procedimental autonómica.</i>	2 meses <i>estimatoriu</i>

	DURACIÓN / CARACTERÍSTIQUES / REQUISITOS	RETRIBUCIÓN	SOLICITÚ	REGULACIÓN / DOCUMENTACIÓN A PRESENTAR	COMPETENCIA plazo de resolución <i>silenciu alministrativu</i>
--	--	-------------	----------	--	--

(1) 1^{er} grau consaguinidad o afinidad --- Padres, fíos/es, suegros/es y maríu/a. 2^o grau consaguinidad o afinidá --- Hermanos/es, cuñaos/es, güelos/es y nietos/es.

Localidá --- Residencia habitual del interesáu/ada.

Díes hábiles --- De llunes a vienres.

(2) Al traviés de la Dirección del centru dende HYPERLINK www.educastur.es, escoyendo Comunidá Educastur "", introduciendo les credenciales del centru como usuariu o clave, escoyendo aplicaciones "" y aportando a xestión "de permisos".

(3) Al traviés de los recoyíos pol artículu 38.4 de la Llei 30/1992 de 26 d'avientu de Réxime Xurídicu de les Alministraciones Públiques y del procedimientu alministrativu común.

(4) Alministrativamente, entiéndese como entamu de trimestre escolar el 1 de setiembre y el primer día lectivu darréu posterior a les vacaciones escolares de navidá y selmana santa. Escepcionalmente, l'órganu competente va poder modificar los plazos y periodos refereríos cuando se solicite de forma espresa y acredítese fehacientemente les circunstancies escepcionales que torguen la so adaptación al trimestre escolar.

(5) La concesión del permisu por maternidá ataya los efectos del amenorgamientu de xornada por razones de guarda llegal, debiendo'l funcionariu percibir íntegramente los sos retribuciones mientres dure'l permisu de maternidá.

(6) La concesión d'esti permisu pa los supuestos de minusvalía física o psíquica nun puede estendese por analoxía a enfermedaes de llarga duración.

(7) La percepción d'una pensión por un menguáu físicu o psíquicu nun ye equiparable al desempeñu d'actividá retribuida, polo qu'el que tenga atribuyida la so guarda llegal tien derechu al amenorgamientu de la xornada de trabayu.

(8) Consultes, tratamientos y esploraciones de tipu médicu, acompañamientu a fíos menores a asistencia médicu y a parientes minusválidos o menguaos hasta segundu grau de consanguinidad o afinidá pa la realización de trámites puntuales por razón de los sos estáu o edá; la participación en procesos electorales, como presidente, vocal o interventor (permisu'l día de votación de xornada completa y amenorgamientu de la mesma en cinco hores el día darréu posterior); l'exerciciu del derechu de sufraxu (4 hores o tiempu proporcional en xornada amenorgada); presentase como candidatu a procesos electorales, previa solicitú; desempeñu de cargu electivu d'una corporación municipal (el necesariu p'asistir a plenos de la corporación, comisiones o atención a les delegaciones de que forme parte o que desempeñe); citaciones de vulgaos, comisariés, delegaciones de gobiernu, delegaciones de defensa, espedición o anovación de D.N.I., pasaporte, permisu de conducir, certificaos o rexistros en centros oficiales, requerimientos o trámites notariales, asistencia a plenos o comisiones informatives y de gobiernu municipales; tamién asistencia a congresos, cursos, cursinos, seminarios, symposiums, alcuentros, certames, coloquios, conferencies, xuntes, xornaes y demás eventos colectivos de calter científicu, técticu, profesional, colexal o asociativu, previa

SUATEA; NUEVA TABLA DE PERMISOS Y LLICENCIES

autorización de l'autoridá competente

(9) El permisu va distribuyise a opción de la funcionaria, siempre que seis selmanes sían darréu posteriores al partu. En casu de fallecimientu de la madre, l'otru proxenitor va poder faer usu de la totalidá o, nel so casu, de la parte que reste del permisu. Sicasí lo anterior, nel casu en que dambos proxenitores trabayen, la madre, al empecipiase'l periodu de descansu per maternidá, va poder optar por que l'otru proxenitor esfrute d'una parte determinada ya ininterrumpida del periodu de descansu posterior al partu, bien de forma simultánea o socesiva col de la madre. L'otru proxenitor va poder seguir esfrutando del permisu primeramente vencíu, aunque nel momentu previstu pa la reincorporación de la madre al trabayu ésta atópese en situación d'incapacidá temporal. Amás, va poder esfrutase a xornada completa o a tiempu parcial, cuando les necesidaes de serviciu déxen. Nos casos de partu prematuru o otros en qu'el neonatu tenga de permanecer hospitalizáu, el permisu va ampliase en tantos díes como'l neonatu s'atope hospitalizáu, con un máximu de trece selmanes adicionales.

(10) El cómputu del plazu va cuntase a eleición del funcionariu, a partir de la decisión alministrativa o xudicial d'acoyimientu o a partir de la resolución xudicial pola que se constituya l'adopción ensin qu'en nengún casu un mesmu menor pueda dar derechu a dellos períodos d'esfrute d'esti permisu. Nel casu de que dambos proxenitores trabayen, el permisu va distribuyise a opción de los interesaos, que van poder esfrutalo de forma simultánea o socesiva, siempre en períodos ininterrumpíos. Nos casos d'esfrute simultáneu de períodos de descansu, la suma de los mesmos nun va poder entepasar de les 16 selmanes o de les que correspuendan en casu d'adopción o acoyimientu múltiple y de discapacidá del menor adoptáu o acoyíu. El permisu va poder esfrutase a xornada completa o a tiempu parcial, cuando les necesidaes del serviciu déxen, y nos términos que reglamentariamente se determine. (11) Con independencia del permisu d'hasta dos meses previstu pa los casos de desplazamientu previu de los proxenitores al país d'aniciu del adoptáu, el permisu por adopción o acoyimientu, tanto preadoptivu como permanente o simple, va poder empecipiase hasta cuatro selmanes antes de la resolución xudicial pola que se constituya l'adopción o la decisión alministrativa o xudicial del acoyimientu.

(12) Garantízase la plenitú de derechos económicos de la funcionaria o del otu proxenitor funcionariu mientras tol permisu y, nel so casu, mientras los períodos posteriores al esfrute d'esti, si acordies cola normativa aplicable, el derechu a percibir dalgún conceutu retributivu determinase en función del periodu d'esfrute del permisu. Una vegada termináu'l permisu, va tenese derechu amás a reintegrarse al puestu de trabayu en términos y condiciones que nun-y resulten menos favorables al esfrute del permisu, asina como a beneficiase de cualesquier meyora nes condiciones de trabayu a les que pudieren tener derechu mientras la so ausencia.

(13) Esti derechu va ser efectivu a partir del añu natural siguiente al del cumplimientu de los años de serviciu señalaos enantes. A los efectos previstos, nun se van considerar como díes hábiles los sábados, ensin prexiciu de les adaptaciones que s'establezan pa los horarios especiales (modificáu pola Llei 53/2002, de 30 d'avientu, de midies Fiscales, Alministratives y del orde Social). Vease tamién: Resolución de 20 d'avientu de 2005, de la Secretaría d'Estáu pa l'Alministración Pública pola que se dicten instrucciones sobre la xornada y horarios de trabayu del personal civil al serviciu de l'Alministración Xeneral del Estáu y sentencies del Tribunal Superior de Xusticia d'Andalucía y Tribunal Supremu.

(14) MOTIVOS PAL SO ESFRUTE FUERA DEL PERÍODOS BRANIZU: Cuando nun puedan empecipiase les vacaciones por cuenta d'una situación d'incapacidá temporal, partu, adopción, acoyimientu, lactancia o paternidá retardarásel so esfrute al momentu en que suman tales circunstancies, pasando a esfrutalo del dentro l'añu natural, según les necesidaes del serviciu. Pararásel cómputu de les vacaciones nel momentu d'internamientu en centros hospitalarios na situación d'incapacidá temporal, siempre que la duración fora igual o superior a 10 díes, con independencia de los que resten pa la conclusión del periodu vacacional que tuviera esfrutando. El periodu interrumpíu va esfrutase una vegada vuelta a entamar la prestación de servicius y previa autorización de la Dirección Gnal. de Recursos Humanos, dentro del añu natural.



SINDICATU UNITARIU Y AUTÓNOMU DE TRABAYADORES DE LA ENSEÑANZA D'ASTURIES. www.suatea.org

C.I.F. G33027632C/ Telesforo Cuevas 2, 1ª Dcha.-33005 Uviéu. Tfno. 985274343. Fax 985236464. E-mail: suatea@suatea.org.